


定香亭筆談

二





定香亭筆談

(二)

阮元記

# 定香亭筆談卷二

清揚州阮元記 錢塘陳鴻壽錄

丙辰秋。按試至嘉興。與試詩人雖多。尙未厭余所望。試畢。將行。有諸生獻其父詩。南野堂集二帙。舟中閱之。知爲嘉興吳澹川文溥所作。披吟終日。定爲浙中詩士之冠。關中草。閩游編。尤爲直逼古人。澹川居湖北。汪撫軍新戎幕。及歸浙。謁余於杭州。與語兩湖戎事。瞭如指掌。頗具才略。不可徒以詩人目之。余出先大父征苗刀示之。澹川走筆作歌。震奪一席。

## 吳澹川南野堂詩

入關

前山復後山。莽莽山頭月。古人復今人。纍纍山下客。朔馬當風嘶。征車夜中發。星河落人面。冰雪稜馬骨。壁立上蒼蒼。雞鳴關影白。

太華青濛濛。三峯開芙蓉。聳身踏落雁。危步攀蒼龍。高高白雲上。倏忽生虛空。窅然天地始。六合惟清風。自此九萬里。不知其所終。黃河走碧海。攬結衣帶中。逝將洗頭畢。濯足扶桑東。

我行越陝州。清曉望潼關。終南散霜氣。衣上峯影寒。解鞍息僕馬。登城眺孱顏。風雲起四塞。渭洛交我前。東北橫大河。中斷龍門山。恃險不能守。爭雄良可歎。

信宿驪山下。雨歇聞林鳩。虛巖韻幽籟。返照明高秋。韋公蘊真素。想見逍遙游。泉石餘綺麗。衣冠逸巢

由勝事行已矣。空山我何求。

九嶷何嶢峴。涇水注其麓。山風吹野色。霜草寒無綠。去鳥戀餘暉。流雲動疏木。當時祀雎上。佳氣連黃屋。炎精颯已遙。神物代相屬。鬱鬱松柏林。下有狐兔宿。立馬意蕭條。秋山問樵牧。

太乙下深黑。雷靈駐虛空。有龍宅其湫。飛雨白日中。南游女媧谷。北上銅人原。荒岡翳叢楚。古闕生墟烟。山河美如此。人壽速若彼。去去且爲歡。沾酒新豐市。無使明月來。照我持空杯。

跨馬出咸陽。緩轡行平疇。清吟苑柳下。迴眺陂塘秋。笑言展嘉讌。漁弋陪良儔。蒲苴引微繳。詹何颺輕鉤。素心旣已諧。畢景彌悠游。商風忽驚暮。颯然吹古愁。甘泉廢馳道。玉樹凋崇邱。往者能幾時。我懷殊未休。

藍田好山水。漢陂秀蘭杜。蒼然紫閣雲。暮入終南雨。漠漠藤島村。梢梢竹團圃。荷蓀過前林。歸漁聞別浦。藹此父老情。爲我致清醑。久客憶江南。興盡非吾土。

青青原上麥。烏鳶自相逐。我行苦朝饑。藹然飽春綠。望雲陟高邱。采芳下西麓。念我堂前圃。白華有餘馥。媿彼循陔詩。徒倚迴車轂。

杜陵曲

金鞍玉勒杜陵客。駐馬垂鞭望南陌。楊花如雨不溼人。竹枝如烟澹暮春。忽憶江南春暮好。踏青湖上多芳草。如此風光獨異鄉。杜陵花月使人傷。

秋夜曲

華星耿耿月當戶。美人池上歌歌舞。芙蓉香老秋風多。風吹流螢亂如雨。夢裏輕羅不覺寒。醒來步屐生離緒。滿天清露送歸人。隔院啼螿續人語。

紫驪馬

紫驪馬蹀躞。萬里何雄哉。不追赤日到西極。安知河水從天來。崑崙落空小於指。星宿滿地紛如埃。紫驪馬去復回生。還醉倒。酒泉郡。馬頭春色桃花開。不見前年大雪十丈高。連天人馬凍殺青海邊。

青門觀侯生舞雙劍贈益都沈八丈歌

侯生袖中有秋水。飛出芙蓉亂青紫。虛堂白日走精靈。夾電穿空血人背。須臾一擲幾千里。碧海無聲老蛟死。座中蒼髯七十翁。滿酌金罍爲生起。自言年少時。頭角亦頗奇。彈碁與擊劍。游戲無不知。雲門山中有老屋。穆陵關南春草綠。千年猛虎射殺之。徒手向前拔箭鏃。朝馳燕馬問盧龍。夜脫胡鉤舞鸚鵡。美人如花客如玉。往往哀絲間豪竹。分金呼管鮑。作賦邀鄒枚。肝膽時因酒邊露。笑口卻向杯中開。聞道秦皇古碑在。與酣獨上琅邪臺。當時搔首隘八極。未肯埋沒隨蒿萊。豈知如今意蕭瑟。入蜀游秦計轉拙。青門瓜落秋風多。白頭看劍當悲歌。途窮景短奈老何。嗚呼途窮景短奈老何。

招勇將軍寶刀歌

將軍偉然淮海豪。身長九尺腰帶刀。讀書萬卷不得意。要扶鼉極搏鵬霄。天生奇材必有用。持戟殿前

色飛動。名標宿衛。蒞親軍。出試戎韜。歷蠻洞。乃者紅苗暗九谿。苗氛毒漲。谿東西。夾岸旌旗天杳杳。萬山鼓角風淒淒。將軍手提三尺鐵。夜半橫行入虎穴。飛落空中霹靂聲。白是刀光赤人血。五寨榛蕪路已通。南山隅。負尚潛蹤。爾時總制張經略。馳檄將軍趨首功。將軍突出問道口。矢石在前追在後。裏瘡轉戰九死餘。絕險梯空身不有。捷書申報大府來。枷杻亦立啼塵埃。力勸受降止盡殺。豈知骸骨半成灰。橫坡老稚將不免。苦賴將軍丐殘喘。好生惡殺天地心。忍以民命同雞犬。至今九谿千萬家。將軍功德流無涯。試看當時寶刀在。英靈出匣生風沙。不見于公駟馬呂虔佩。早卜他年子孫貴。公侯將相非偶然。義結仁深動天地。此刀殺人復活人。蛟龍氣涵江海春。寄語世間報恩子。勿棄螻蟻爭麒麟。

吳大帝廟

殿角響琅璫。松陰壓畫廊。神鴉寒觸火。石馬夜窺霜。山色金陵在。江流玉殿荒。飛揚懷古意。烟月墮茫茫。

落雁峯

黃河洗秋色。太華削青金。飛雁不到處。白雲吹滿襟。天清玉女下。日出蓮花深。我欲此爲宅。蒼然萬古心。

三原夜發

馬背江南夢。春星滿客衣。可憐楊柳月。空照故園扉。累歲依人活。全家飽食稀。老親應倚望。無米亦來

歸

登華山

二華中天積翠開。巨靈高掌壓雲臺。無邊紫塞秋風起。一片黃河落照來。呼吸便應通帝座。登臨誰是謫仙才。蓬萊清淺崑崙小。人代茫茫去不回。

琅邪臺

琅邪臺古穆陵秋。指點金銀十二樓。天地東來橫碣石。滄溟北去抱神州。秦皇功德誣三季。夏諺諸侯勸一游。往事浮雲向空盡。老懷飛舞不能休。

江頭野步

未暝見斜月。獨行聞遠鐘。秋風先我至。江上落芙蓉。

白荷

已愛輕羅步屐新。更憐珠露洗秋塵。卷簾垂手明如玉。月滿西洲不見人。

元大父招勇將軍。於乾隆五年征苗。有戰績。家遺佩刀。澹川作歌後。兩浙詩人繼有作者。

招勇將軍寶刀歌

朱彭

秋河閃閃明星高。當天拔鞘天爲搖。鯨鯢可斷鐵可截。瞥見百鍊將軍刀。將軍起家備宿衛。八尺身長氣精銳。引滿時彎玉靶弓。騰空獨縱金絲轡。龍鱗袋貯呂虔刀。獨立昂藏一戎帥。憶昔旌麾駐九谿。跳

梁犵狢喧鼓。青布纏髻。身裹皮。短刀林立。利若犀。懸崖絕壁。紛攀躋。綿亘山谷。連東西。狼烟冲天。鳥不集。將軍提刀。竟深入。一片刀光。電影飛。鹿駭狼奔。盡驚逸。五寨居然一日平。報捷軍門。抑何疾。南山大箐。賊尙屯。將軍間道。披荆榛。墮坑傷足。不暇捫。直搗巢穴。清餘氛。生擒俘虜。幾千輩。苗欲乞生。向刀拜。將軍殺叛。不殺降。那忍株連。同拔薤。後車捆載。獲芻糧。勁卒搜羅。陳器械。笳鼓喧闐。奏凱還。饒歌作罷。真雄快。餘苗歸洞。荷生成。謀建生祠。奠醪醴。歌呼跳月。醉蘆酒。五十餘年。慶太平。近傳騷動。辰州旁。出洞擄掠。還遠颺。嗚呼安得。再生將軍。鎮苗疆。賣刀買牛。輸官倉。聖世服膺。歌樂康。

湯禮祥

將軍一身萬人敵。腰橫寶刀鐵三尺。飛空一片夜霜寒。壁壘旌旗盡無色。昔年奉檄征紅苗。九谿寨前殺氣高。負力特險黠且驕。深林密箐愁獍獠。黃雲慘慘黑風急。將軍提刀出復入。戰血模糊戰袍赤。鬪體滿地行不得。報捷軍門五寨平。南山餘孽尙縱橫。此時再戰兵再接。萬帳降人馬前泣。將軍受降不殺降。降苗羅拜歸苗疆。戰績戎韜邁前代。犵狢聞名說遺愛。至今重人兼重刀。不數區區呂虔佩。酒酣月落共摩挲。蛟龍躍出腥風多。若將此刀鎮蠻府。威靈所到無兵戈。君不見漢家將軍馬伏波。天南銅柱高峩峩。

朱爲弼

靈臺偃伯清妖氛。平苗之績推將軍。將軍已往佩刀在。凌烟玉具同銘勳。鷓鴣碎花靈銘鏢。螭獸喪膽



逃紛紜何年金精司鼓鑄拔鞘迸落星辰紋苗民當日肆劫掠九谿賊砦屯如蠶飛毛坪前檄馳羽龍  
家溪畔鳴鼓鼙將軍提刀奮神勇電光閃處開風雲短兵相接斬萬級呼聲震谷迴斜曛餘賊橫坡息  
殘喘神鋒所值破竹分渠魁旣殲檣槍落刀乎此日無乃勤將軍凱旋報經略自洗血刃湖之濱雅歌  
投壺整以暇部勒諸將屯輓轡腰間三尺示不用纏以鹿皮裹元纁降苗如蟻來紛紛男者面縛女足  
韞經略大礮聲礮礮將軍入辨色聞聞奈何崑岡玉石焚遂開軍門受降虜白虎秋氣化作春氤氳至  
今祠廟峙銅柱辰州苗疆有銅柱乃馬楚時所立見吳任臣十國春秋苗民奔走薦苾芬秋堂傳觀奇寶出蛟龍白日氣員員忠  
仁之心脫光守匣中夜吼聲不聞從來名將不黷武必有哲嗣光斯文將軍文孫今昌黎泰山北斗士  
望殷寶此赤刀作大訓文章黼黻佐聖君行看奕世偉鐘鼎呂虔三公何足云

陳文杰

風棱滿堂秋氣來寶刀出匣驚龍雷星辰搖搖海水立白虹一劃青天開將軍昔日初通籍入直明光  
親執戟腰間三尺青芙蓉英風顧盼生顏色

詔書命典荆江兵。獐花狝鳥迎雙旌。戰氛欲起白日暗。寶刀夜作蛟龍鳴。苗人鑄刀尺有咫。鵝膏如雪  
洗龍子。一夜狼烟九谿起。短刀林立三百里。萬夫斫陣聲震天。將軍突出爲衆先。霹靂在手陰風旋。燭  
燄墮地輕於烟。九谿寇黨南山連。負嵎虎踞崇山巔。絕險轉戰驚飛仙。苗降爭拜刀光前。令嚴殺賊不  
殺民。以殺止殺全窮鱗。寶刀拭淨不復用。戰場花草生青春。畏威戴德苗心死。從此苗人不反矣。甲兵

沈盡事春農。匣中刀臥銀河水。淮南學士將軍孫。秋濤三折開龍門。家傳文武世忠孝。手編家乘書前勳。秋夜沈沈月如練。滿堂賓客開文讖。寶刀捧出四筵驚。一片寒光射人面。想當盪決陣雲開。萬馬聲中激飛電。百戰歸來血洗稜。健兒十萬傳觀徧。古來戰績紀紛紛。殺戮成功從未聞。君不見秦國銳頭白豎子。漢家猿臂李將軍。

歙鮑以文廷博居湖州之烏鎮。長往來武林。博極羣書。家藏萬卷。雖極隱僻罕見著錄者。問之無不知其原委。嘗刻知不足齋叢書及四庫書提要。有夕陽詩。盛傳於時。人呼爲鮑夕陽。余贈以詩云。清名卽是長生訣。當世應無未見書。何處見君常覓句。小闌干外夕陽疎。

仁和朱朗齋文藻能詩。畱心文獻。好金石。老而貧。居艮山門外清溪前。丁巳戊午間。助余編錄兩浙詩數千家。雨久穿屋流。余贈詩云。雨後清溪繞屋流。藤牀著膝看魚游。先生竟似陶貞白。萬卷圖書不下樓。

錢塘何夢華元錫博雅嗜古。精審金石。久居曲阜。乾隆乙卯與余同至杭州。僑居西湖。余嘗贈以詩云。卻因風木常多病。不爲清狂始詠詩。一種閒情誰解得。夕陽林外讀碑時。夢華昔在曲阜。嘗步行孔林外。得漢孔君碑。黃小松司馬曷爲寫林外得碑圖。

仁和趙晉齋醜博學。精於隸古。尤嗜金石文字。歐趙著錄不是過也。予試杭州。得其書牆暗記移花日一詩。決爲名士。拆卷果晉齋也。

錢塘陳春渠。振聲年七十。清澗似鶴。楷隸竝得古法。恬然閉戶。以詩自娛。蘇公詩云。神清骨冷無由俗。斯

人頗似逋翁也。鄉人重之舉孝廉方正。

錢塘何春渚。淇詩翰。翛然遠俗。清介自守。老於布衣。余以孝廉方正徵之。春渚以詩卻云。章服榮身孰肯辭。性耽疎放未能移。閒臨遠水荷衣稱。深入雲嵐竹笠宜。薦士孔融真可感。思親毛義不勝悲。此情尙冀垂憐察。況是才非十駕時。予荅詩云。清聲無奈左雄知。老戀林泉未肯離。若論不求聞達好。此人曾賦卻徵詩。

錢塘朱青湖。彭老詩人也。著有抱山堂詩集。杭之學詩者。皆宗之。家故貧。甫能雕板。旋燬於火。青湖累被火。至是凡三矣。遷居後。仍近吳山。乞余書抱山堂扁。其舊扁爲丁龍泓所書。余贈詩云。白髮吟詩獨閉關。著書常被八人刪。龍泓未見山人癖。別起書堂又抱山。

### 朱清湖抱山堂詩

#### 七夕詞

烏鵲過。停金梭。思之子。望銀河。銀河滉漾流晴雪。半規月上遙山缺。天邊牛女遠相望。不獨人間眷離別。吳姬妝成出畫樓。水晶簾卷涼雲秋。綵縷穿成月半落。花陰漠漠凝雙眸。月影花陰相度處。漸覺熒微天欲曙。天欲曙。黃姑去。淚洩瀾。灑秋雨。

#### 寒夜對月聽李玉峯彈塞鴻曲

天寒夜靜孤月明。百衲古琴几上橫。霜飈忽向七絃起。滿座都作飛鴻聲。鴻雁銜蘆過塞下。斷續飛鳴

自嘔啞。黃沙白草遠連雲。天作穹廬蓋四野。聲聲掩抑風摧毛。風前相失求其曹。如繩不斷戍樓外。一聲直上狼烟高。乍隔狼烟看不見。金軫旋揮調忽變。千仞誰將矰弋施。將軍欲啓頭鵝讌。振翮高飛避尉羅。殺虎城邊競傳箭。瞥然孤影向關來。傷弓更覺鳴聲哀。邊笳亦嗚咽。邊馬皆徘徊。龍沙回首一南望。明妃愁上單于臺。愁對斜行乍明滅。交河日暮行人絕。隴外漫漫去路長。側耳遙聽尙淒切。此時流響不在絃。月光滿地寒如雪。玉峯子舍爾琴。爾琴漫作邊關音。水仙一操移人意。與爾還從海上尋。

疊浪崖歌

攝山之高百餘丈。中有危崖屹相向。纍纍碎石千萬重。游屐來觀疑疊浪。上有撐空如繖之高峯。下有六朝不彫之古松。此崖迴合入樵徑。浪花都帶嵐烟濃。蒼茫彷彿春江瀉。長風欲把濤頭駕。乘興堪爲汗漫遊。石帆高挂從天下。定有翠髯鯉魚山前招手遙相迓。我疑五丁力獨神。鑿石散作波瀾。又疑天吳移海水。一夕忽變青嶼岫。造物茫茫不可測。諧談未許憑胸臆。且自支筇厓畔過。芒屨踏浪看山色。

月夜訪孫楚酒樓遺址過城西聞笛作

一醉下高樓。揚舫向石頭。伊人渺難卽。異代迴含愁。風月自千古。江山又九秋。城西誰擲笛。閒步亦清游。

登妙高臺

長江遠自岷峨來。金鷲昂首高崔巍。樓閣千尋白浪湧。山川四望青天開。林烟匝岸見歸鳥。雲氣漫胸無點埃。誰畱坡仙看落日。浩然獨棹輕舟回。

垂虹橋秋望

楓葉蘆花徧遠灘。蕭蕭風露作新寒。秋光三萬六千頃。獨向垂虹橋上看。

山陰邵夢餘無恙詩學極深。各體皆善。標格稍遜吳澹川。而性靈才調過之。真勁敵也。佳句五言。如陶然亭云。秋聲千樹盡。雪意萬山來。宿舊縣云。霜樹寒生野。天河靜對門。清涼山云。泉聲松頂落。花片竹陰飛。吼山云。石隨雲過水。樹對屋飛泉。夜發秣陵云。水門沈夜月。山影上秋河。渡太湖云。雲懶眠孤嶺。湖平立遠帆。自吳門旋白下云。古岸生春水。長江擁夜雲。棲霞云。山花眠麝暖。池月照魚涼。七言。如燕臺云。雲覆黃沙吞朔塞。河流白日下燕山。北固山看雪云。雲痕四合沈諸島。雪色中開見大江。永濟寺云。莎草綠盈三月雨。桃花紅入六朝山。姑蘇云。四時花月吳趨曲。兩國兵戎越絕書。晚泊石城云。荒壘齊梁猶上月。大江吳楚自分星。禹陵云。風雨鬼神趨古殿。鶯花士女拜春山。葦山云。婦女同仇兵氣合。山川重秀霸圖開。九日登通州城樓云。霜下邊聲來朔塞。日斜河色上城樓。又云。地夾關河三輔合。天無風雨萬山開。燕子磯暮望云。霜中草樹聲難靜。月下江山影倍寒。揚子暮潮空自落。秣陵秋色幾回看。雨泊三塔灣有懷云。大江殘夜生新水。微雨扁舟夢故人。晚過揚州畱別云。烟際白帆浮壁社。雪中紅樹認揚州。渡江云。丹徒城郭烟中度。白下江山雪後看。栖霞放舟云。青山入夢曾知己。明月同舟當故人。蘇堤曉步云。一湖靜臥

羣峯影。小雨香生萬樹花。秋夜云鶴影倦依涼月立。雁聲寒帶夜霜飛。皆清新俊逸。雅近自然。夢餘原名。飄。曾官江南越中。商寶意後。僅見此君。

邵夢餘蕉雪齋詩

京江晚渡

遠海淡無色。微風夜潮長。陰霞江面生。新月渡頭上。放舟出瓜步。衝波時盪漿。大江無靜流。浪打石城響。

鳳凰山對月

離離雙梧桐。泠泠流素輝。朗月令人曠。興言上翠微。崇厓緣古堞。面面層巒圍。中橫萬里江。烟水空霏霏。東指棲霞嶺。西望采石磯。夜山如殘晝。淺碧痕依稀。席地羣呼飲。金波漾餘輝。長嘯拍洪厓。清妙暢天機。空谷蒼遙響。籟息聲漸希。醉臥仰明月。四空星滿衣。俯視松頂雲。卻在烏下飛。晶晶玉宇闊。竟御天風歸。

發龍潭至白門作

捨舟踏亂山。一路入空碧。村墟方曉霽。屋帶斷雲濕。虛谷多回風。松響滿孤石。暗水流廢畦。初陽照蒼壁。空野見微綠。中有早春色。一峯稜稜明。認是棲霞雪。十載江南游。層巒多所歷。行客與青山。相見如舊識。林岫雖故蹊。烟景自新得。譬彼清泉流。涓涓無滯迹。人行元化中。奚用感今昔。歲去不可留。百年

皆過客。且酌白門酒。勞此髮未白。今宵照梅花。已非昨夜月。

題望雲思親圖

朔風無寧日。老樹無寧枝。枝繁根乃枯。成茲憔悴姿。親年不滿百。百年有窮期。子知養親日。已非親壯時。事親日苦短。況乃長別離。白雲東南來。招搖西北馳。親舍隔萬里。眠食何由知。朝得父母書。長跪讀書詞。得歸慎莫留。不歸慎莫思。焚焚父母心。淚下如綆縻。仰視南歸雲。猶在天一涯。

送章芝厓出塞

男兒旣不能。脅肩濫吹王門竿。又不能赤腳歸荷南山鋤。短衣揖客上馬去。北游直踏醫無閭。我聞路出飛狐道。北方健兒身手好。箭血秋紅幕下鑿。鬼燐夜碧原頭草。古來戰壘長城多。花開塞下歌。邊歌已報將軍營。鐵嶺不須甲士枕。琯戈陸海自昔稱不毛。十年生聚成腴膏。如花女兒十五六。晝騎橐駝夜餒羔。送君曉度居庸口。夕陽繫馬關前柳。一夜新霜筆築寒。行人爛醉邊城酒。城上黃雲如水流。松山白月挂城頭。西風吹起遼東雁。無限關山望越州。

道出白溝河書初白先生夾馬營詩後

平沙颯颯來陰風。萬木脫盡飛蒿蓬。白溝自昔界遼宋。百年戎馬曾交攻。黃袍聖人真英雄。鼎定洛邑開岐豐。玉斧劃河棄勿有。豁達大度誰能同。五季殺戮禍已亟。拓疆忍復興兵戎。兒孫孱弱成南渡。安可追咎祖若宗。錢王入夢索舊土。中有天意非夢夢。汴京破壞宮闕毀。藝祖寧不悲塵蒙。燕雲十六州

作賂。事由石晉難爲功。若云割界太示弱。亡宋況復非遼東。我聞德至四裔守。無德焉用爭提封。君不見秦滅六國吞寰中。長城萬里防邊烽。楚人一炬咸陽空。

游焦山飲梅花樹下贈楊明府

一山如斷雲。四圍海氣白。中有千葉萬葉梅。江流倒漾花光碧。楊侯邀我酌梅花。拂衣便坐花陰石。夕陽沈沈不到地。交柯密蔭幹若鐵。幽根半埋霹靂厓。寒枝高壓虬龍宅。一度花開一歲春。孤清不鬪江南雪。試問梅花爾誰植。昔年曾否焦仙識。碧海風迴有異香。空山雪滿無行跡。我疑古梅花。卽是高士魄。一客爲橫琴。一客爲吹笛。玉管朱絲調未終。綠英飛下流霞席。我抱梅花醉欲眠。一身都化青天月。

題唐陶山仲冕岱覽圖

赤日躡海危巒紅。九土色破青濛濛。活雲如虬踏雙足。嘯聲吹墮松風中。碧天飛下雙白鶴。化爲綠髮青玉童。爲言洪厓在絕頂。方攜雲笈還崆峒。名山五千禹域內。茲嶽如海稱朝宗。獅蹲虎伏不可數。牛眠鵲起多幽宮。山川圖經久廢蝕。幾人筆力開鴻濛。廿年冥想結崇巘。君夢所見將毋同。豁然頓悟振衣處。卽此萬仞高穹窿。三十六盤重復重。天門浩浩來天風。一枝七尺披雲笈。一兩不借踏雪屨。凌雲醉拂日觀峰。袖間攜滿青芙蓉。釋山自號陶山子。況近先隴悲楸松。君母唐于陶山卽岱山支麓也。遂著岱覽三十卷自號陶山子。著書聊述倚廬志。作圖尙感前游蹤。惜我五嶽未登一。正思開拓層雲胸。名山入手如可從。徑欲吹竹騎蒼龍。乞君奇書秦樹東。手披或有仙人逢。



望岱

陡擁層雲起。蒼然見嶽形。勢盤平野闊。色聚萬峰青。草樹浮春氣。煙霞降帝靈。東封七十二。時有翠華經。

出都

此去猶爲客。何嘗是故鄉。獨憐霜雪盛。其奈道途長。雲氣屯空塞。河聲響夕陽。迴瞻關路晚。煙樹極蒼蒼。

登長干塔

聳身窺萬仞。一鳥上雲來。日月摩空得。江山劃地開。松藏靈谷寺。草歇雨花臺。滿目南朝迹。憑誰話劫灰。

泊棲霞

不到棲霞麓。蒼茫已八年。一帆涼月下。重泊寺門前。高樹橫秋漢。空山響夜泉。幽居聞最勝。應採碧峰巔。

履海

一片東溟土。狂濤盪四邊。雲橫成列嶂。潮白失青天。戍屋懸魚網。沙田藝木棉。太平寧廢武。橫海盛樓船。

登香鑪峯大雪折從西嶺而下

到此天如握。雲低千萬重。層陰生海角。大雪下鑪峰。乍喜過危石。偶然來遠鐘。野僧歸荷篠。多在半山逢。

送李雪帆之楚

萬木變秋聲。西風滿帝城。高樓一夜雨。曉送故人行。杖策游燕願。狂歌入楚情。獨憐關北雁。辛苦共長征。

逢婁鑑塘

北風吹雨雪。深夜故人來。酌酒聊相勸。孤懷且暫開。煙霞同抱癖。山水獨憐才。遲爾西冷去。輕舸訪野梅。

錢唐懷古

鐵騎長嘶薄建康。議和議戰總淪亡。鶴鵝春散將軍壘。蟋蟀秋開宰相堂。海上孤兒沈趙氏。夢中故土索錢王。須知天意成南渡。艮嶽山先號鳳凰。

天后廟

闕下銀濤萬里來。霞宮遠對紫溟開。月高旌旆排雲出。風定魚龍拜浪回。千炬神鐙飛遠艦。百花香樹擁層臺。明禋願獻安瀾頌。秋雨秋潮靜九垓。

曉過故關

朝暉遠射嶺煙開。鳥壘高盤漢將臺。山勢割天分岸立。河聲驅石過關來。戍樓雲擁旌竿滿。戰地風迴畫角哀。今日時清仍設險。少年誰是弄縑才。

渡淖沱河

燕臺畫角動邊歌。木末平原見大河。阜帽烏裘歸上黨。黃沙雪浪渡淖沱。荒村日淡收蘆荻。空磧風寒飯駱駝。獲鹿城頭西指去。暮雲紅處亂峰多。

次龍安驛

白雲深處見棲霞。古戍樓明夕照斜。馳道四圍開碧嶂。宮門一路近桃花。江山自古稱佳麗。野老逢人說翠華。曾讀去年蠲賦詔。帝心深念野人家。

重過金山題寺壁兼示巽春林

四年浮宦江南路。往返揚州十六回。昨歲春風二三月。醉吟一上妙高臺。載邀良友扁舟去。又見名山古剎開。好語遠公莫相笑。過門原是昔人來。

永濟寺題壁

人語近江樹。犬吠出叢薄。夜聞楸杙聲。知有孤舟泊。客夢破孤磬。漸聞啼曉鴉。一夜山風歇。僧掃門前花。

萬松嶺

種松三萬株。翠滿亂峯頂。夜半山月生。一松一月影。

舟行

紅杏花開客放舟。春風日日泛春流。一帆明月投淮浦。兩岸青山出兗州。遠戍空濛接呂城。微風料峭半帆行。一江春雨絲絲暮。臥聽吳娘轉柁聲。

出白門

杏花如雪柳絲輕。渡口濛濛細雨生。惆悵行人過江去。十三樓畔正清明。

蕙

百畝風光轉漸和。幽芳也入楚臣歌。從來香草如君子。但得花開不厭多。

錢塘宋茗香大樽官國子助教嘗裹糧爲天台之游所爲詩飄然凌雲有謫仙之意其子成熙通經學嘗注夏小正。

嘉慶元年詔舉孝廉方正之士浙江舉者十二人仁和邵右菴志純翁達叔名濂錢塘陳禮門振鷺海寧陳仲魚豐楊純一秉初嘉興莊詔九鳳苞李中玉甌海鹽張芑堂燕昌鄞縣袁陶軒鈞慈谿鄭簡香勳定海李申三巽占義烏樓萃千錫慶辭不就。

錢唐何春渚淇溪鐵生岡朱青湖彭鄞蔣樽菴學鏞山陰陳默齋騎尉廣寧以難蔭官有孝行敦氣節甚

具才略。精審金石。兼工詩翰。所著有壽雪山房詩。余題之云。古人原不厭麤官。只恐新詩遇賞難。誰似憐才李文靖。馬前識得夏金壇。余欲以孝廉方正薦之。辭不就。

海寧陳仲魚。體於經史。百家靡不綜覽。嘗輯鄭司農論語注諸書。而考證之。浙西諸生中經學最深者也。舉孝廉方正。江南陳方伯。奉茲嘗謂所舉孝廉方正。江蘇錢可廬。大昭安徽胡維君。慶浙江陳仲魚三人。可概其餘。余謂方伯之言。誠能識拔宿儒。然安徽當以程易田。瑤田爲第一。而胡君亞之。

海寧錢馥。布衣也。精於六書小學。年四十矣。余欲以弟子員屈之。不就。旋卒。其友邵右菴志純拾其餘論。爲書一卷。右菴。余所舉孝廉方正士也。古文有法。秦小峴觀察深於古文。於右菴有深契焉。

海鹽張芑堂。燕昌舉孝廉方正。入省。有胥吏弄文阻之。欲其來解也。芑堂拂袖去。云。吾若與猾胥接一言。有負辟薦矣。予聞之。卽徵來省。特別薦章中。芑堂本王韓城師所舉優行生。名望素符。真士無虛聲也。尤嗜金石。嘗自摹吉金貞石文字。爲金石契。又嘗登范氏天一閣。摹北宋石鼓文。勒石于家。余借其本。合明初拓本。重撫十石。嵌置杭州府學明倫堂兩壁。並贈芑堂詩云。銘鑄彝彝款象犧。每看一字百摩挲。却因好古生偏晚。不見蘇頌韓獪碣多。

陳雲伯擬曹堯賓小游仙詩。有云。曾向紅雲侍玉皇。羽衣長染御爐香。海棠萬樹愁春雨。夜夜通明問綠章。此意非堯賓所及。堯賓身肥重。岳陽守云。余初得堯賓詩。以爲可嚇鸞鶴。今見之。牛不能載。錢塘梁眉子祖恩云。百首仙詩破曉寒。羽衣來謁岳陽官。十年重見堯賓過。不跨青牛跨彩鸞。

游仙詩佳者甚多。俞雲莊寶華云：夢入仙宮賦曉寒。黃金爲屋玉爲欄。衍波牋上唐人韻。記得銜名暑彩鸞。方蘭墜鸞嗣云：朱鳥牕深戶半扃。月明聞愛鶴梳翎。紫雲一曲彈神雪。多少仙人花下聽。龔素山願云：猶憶當年舊謫居。詩巢花護未攤書。有人獨折芙蓉立。多少神仙總不如。姜怡亭寧云：司香內史劇娉婷。菖蒲衣垂九子鈴。閨苑無風門不閉。萬花堆裏誦黃庭。

春草詩佳者。陳雲伯云：南朝煙雨重三節。北里鶯花第五家。小院空塔迷蛺蝶。荒陵春水問蝦蟆。又云：客路有時愁細雨。天涯何處不斜陽。玉關消息知何似。綠徧前朝舊戰場。陳曼生云：梅花夢後春纔到。燕子歸時客未還。陳瀛芝云：屐痕淺淡連宵雨。簾影淒迷一片山。許柯云：青袍欲借階前地。綠鬢愁生鏡裏顏。壠埽生春皆礙馬。蘼蕪望遠莫登山。孫夢麟云：綠楊細雨清明路。紅杏春風上巳山。吳清漣云：美人若贈同瑤珮。燕子如歸正落花。

春草詩多清麗芊眠之作。陳壽蘇文湛詩云：雁塞龍堆道路長。客愁如海正茫茫。煙濃古戍思盤馬。落日平原好牧羊。萬里秦關春似繡。千秋漢冢土猶香。遙知紅袖刀鑽夢。歌到蘼蕪已斷腸。可謂淋漓悲壯矣。

余以海塘賦試杭士陳文杰、許柯、胡敬、陳傳經文皆壯闊。胡敬水仙花賦僅三百字。孤絃冷韻。一時傳誦。又有闌干賦亦佳。

水仙花賦

胡敬

爾乃冰堅曲沼。雪積閒庭。凡卉彫景。仙葩吐馨。藉玉盤之瑩潔。貯金屋之娉婷。芳心綻黃。稠葉披綠。豔質纏金。幽姿琢玉。揚秣陵之素華。展凌波之芳躅。含脈脈之深情。隔盈盈之一曲。顧影裴回。將開未開。移春有檻。避風無臺。若妃逢洛浦。曳輕裾而乍來。日暄煙藹。搓酥洗黛。珠璣綴裳。瓊瑤結佩。若神來洞庭。迷綽約而多態。碧沙文石。淺步無塵。閉門獨笑。幽懷泥人。恍如神女。逢交甫于漢濱。冷豔涵虛。澄波微漾。神光陸離。芳悰恍恍。又如湘靈鼓雲和而來往。羌窈窕兮纏綿。濯寒波兮色鮮。暎玉壺而莫辨。照銀魄以增妍。羅襪凌風。銖衣疊雪。與晚蘭兮比貞。同庭梅兮表潔。洵含芳兮足嘉。亦餐英兮可悅。伴歲寒于吾廬兮。對形影之清絕。

闌干賦

胡敬

玉階迢遞。金鎖威蕤。微雨宵霽。和風曉吹。戶暗虛掩。簾長正垂。望遠情怯。憑虛境危。何緣徙倚。得暢追隨。則有十二闌干。橫斜位次。疎不遮風。長還竟地。亭畔橫陳。池邊低置。礙竹斜通。妨梅巧避。苔點香浮。露合光膩。倚徧迴廊。寒生半臂。爾其碧玉珍奇。迴文形勢。石氏新梯。楊家奢製。七寶裝成。百花繁綴。掩映璇闈。周遭瓊砌。盡態極妍。增華崇麗。南朝隋帝之樓。西漢王根之第。窈窕瓏玲。際檐傍櫺。值物賦象。任地班形。接芙蓉之行障。連翡翠之迴屏。春老則飛絮如雪。人去則涼蟾滿庭。至如鬪草閒娃。吹簫侍妾。戲罷秋千。慵移步履。院古苔新。逕回林接。小立花陰。低垂星靨。同凭如玉之春纖。微露留仙之裙褶。若乃巡檐索笑。負手吟詩。茶煙漾際。雨花散時。黃絹千首。紅藤一枝。繞百匝而未厭。愛四圍之並施。屈

曲扶徧。欹斜步遲。況復層巖翠滴。飛閣丹明。虹霓迴帶。井榦崢嶸。夾翠磴以直上。亘丹霄而乍橫。盤空陡豎。倒景孤生。眩轉難定。攀躋屢驚。與夫鬪鴨聲喧。流螢光爛。點綴紅橋。迴環金井。藥苗煙叢。石涵秋影。莫不采錯熒煌。雕搜完整。護金谷之禮華。助玉津之芳景。沈香亭北倚多時。無限春光心已領。

闌干賦。陳雲伯句云。宛轉迴文玲瓏卍字。花片分紅。苔痕引翠。畫閣三重。迴廊十二。晝靜無人。月來有影。芳草閒階。梧桐古井。鸚鵡籠低。鴛鴦瓦冷。愁看花落。笑指雲生。煙波白舫。神仙碧城。簫韻一牕。琴心三疊。荷葉蹙珠。桃根繫楫。銅鑰屈戌。玉篆罌罍。移來花影。冒住柳絲。小作勾留。此日間凭之處。最堪惆悵。昨宵敲遍之時。陳荔峯復亨句云。桐陰徑轉。花影牕移。蝦鬚簾押。麝眼。篋籬地勢橫斜。天然位置。雅稱名園。亦宜蕭寺。院靜晝長。廊迴路接。吟聳詩肩。步傳響屨。虛堂敞處。涼夜深時。蛩語欲碎。漏聲轉遲。曲連畫檻。平接雕楹。樓空月上。亭古苔生。皆有神韻。復亨今改名嵩慶。

杭州諸生能以明人法律爲時文者。湯畫人錫藩爲最。根柢亦深。

錢塘有王仁。仁和有王立仁。海寧有王有壬。其詩文工力亦相近也。

嘉興李穀有孝行。嘗割股以救親。鄉人稱之。余曰。毀傷肢體。非孝也。然以親故爲之。則凡可以愛其親者。無不爲矣。且吾知其若仕必能致身於君矣。時舉孝廉方正。予特徵之。列薦章中。

試嘉興時。兼以繪事。有老諸生周封者。山水蒼秀。於風簷中寫秋山聽瀑圖。卽前一日試士詩題也。此外有錢善揚。乃礪石翁之孫。花卉極有家法。陳球呂鈐沈瀚之山水。虞光祖之花卉。皆錄之。



杭州試畫。錢塘朱壬山水花卉翎毛皆有法。壬卽青湖子也。徐鉞之山水。梁學姚榕之梅花。張國裕陳國觀之花卉。皆錄之。

嘉興有三李。超孫、富孫、遇孫。皆秋錦先生良年後人。克繼家學。

嘉興吳侃叔。東發老諸生也。博古能文。識古文奇字。嘗爲石鼓文章句。謂石鼓文中。有次章卽用首章之前半。重疊讀之。如毛詩之例。徒因刻石簡省。不重書刻之耳。所言頗爲前人所未發。

嘉興有二吳。吳澹川可謂登高能賦。吳侃叔可謂鑄器能銘。

嘉興張叔未。延濟詩文斐然。留心金石。於海上得漢晉甄八。曰萬歲不敗。曰蜀師。曰太康二年。曰永寧元年。曰元康二年。其不全者曰吳氏。曰儒墓。曰萬因。以八甄顏其齋。予爲書八甄精舍額。平湖朱椒堂爲弼賦九言長歌贈之。

八甄精舍歌贈張叔未

朱爲弼

周家塲埴之工不可見。最古惟數西京五鳳甄。炎精入地字帶土。花紫建武建初俱載洪氏編。古鹽官地近接蛟蜃窟。潮落寶氣騰出黃沙邊。此氣非金非銀非瓊玉。又文慧眼下燭窮九淵。赤腳入水水退四五尺。手持鐵網網得珊瑚鮮。萬歲不敗篆追冰斯古。文同吉陽利善祈延年。蜀師例與景師蜀夫合。良工合土功致名。乃傳其餘太康永寧元康作。隸法寶鼎天監相後先。滄桑劫餘僅存二三字。缺月隱霧斷虹凌秋煙。拊掌大笑攜歸嵌齋壁。常伴一枝樵李春秋前。精舍前有樵李。歐陽衡文兼金石學。要收蠹下

桐木柯亭椽。恭王翁仲銘識能釋。知君碑版鐘鼎皆精研。君攜繭紙命我作長句。謂我曾讀急就凡將簾。并出脫本贈我凡五紙。一十四字字字珠璣連。丹甌銀甕已見地寶出。方今聖人稽古真同天。夫君著作韓碑兼柳雅。他時蘭臺粉署稱神仙。一語贈君君官銘。莫學八軔學士耽高眠。嘉興楊蟠父謙。嘗注暴書亭詩。父子並深朱氏掌故。余命之修竹垞小志。蟠尤長於詞。嘗試花影吹笙圖詞。擅場。

疎影題花影吹笙圖

楊蟠

生綃瑩淨看幾番。燄出煙色初暝。柳外惺忪。簾額羅疎。微黃淡月相映。翛然坐到深宵好。奈料峭春寒。猶凝對冰蟾半臂。添來壓住滿身花影。猶愛玲瓏石畔。玉笙細弄處。清韻堪聽。冷浸丹唇。響轉銀簧。度出林梢花頂。笛家琴調吹簫譜。把一一新聲重訂。算生來不是神仙。怎得者般清興。余試嘉興詞人。偶憶范石湖花影吹笙滿地淡黃月詞意。以花影吹笙圖爲題。調疏影。佳者凡五六闋。旣乃屬石門方蘭士。薰錢唐顧西梅洛補二圖。江郭頻伽。錢唐陳雲伯。皆有詞。

疎影題花影吹笙圖

郭麐

空庭潑水正玲瓏。澹月簾影垂地。悵望銀河。閒弄參差。箇儂知是誰思。橫枝清瘦疎花活。漸篩滿薄羅衫子。只枝頭翠羽雙棲。窺見那時情事。難忘黃昏院落。畫闌十二曲。曲曲同倚。半攏春纖。半度脂香。炙暖一行銀字。年來白石風情減。有自作新詞誰記。但每逢花月嬾歸。便想畫中雙鬢。

苔階露溼正晚風料峭。輕涼時節。小院無人閒理瑤笙。香唇定然寒徹。南朝玉塞關山遠。訴別恨、聲聲  
嗚咽。漸滿身花影玲瓏。吹醒一天明月。猶憶小樓清夜。箇儂在月下。鵝管徐歇。倚遍闌干。羅袖微揜。  
纖手映來如雪。繡囊銀字都零落。空夢斷、餘音清越。料祇應、花外銀蟾。照見斷紅雙壓。

暴書亭久廢爲桑田。南北坵種桑皆滿。亭址無片甃。而荷鋤犯此地者。其人輒病。豈文人真有靈魄耶。余  
就其址重建暴書亭。石階石柱。可久不廢。

暴書亭扁爲嚴太史繩孫所書。亭圯而扁未毀。仍懸亭中。舊有楹帖爲吾鄉汪檢討楫書。作坵集杜句云。  
會須上番看成竹。何處老翁來賦詩。聯木久無余重書。刻于石柱間。

暴書亭

阮元

久與坵南訂舊銘。江湖蹤跡髮星星。六句歸築三間屋。萬卷修成一部經。繡野灘頭秋芋熟。落帆亭畔  
古槐青。笛漁早死雙孫老。誰暴遺書向此亭。

檢討後人藏有竹坵圖。海陵曹秋厓岳所畫。余屬周采巖、方蘭士摹之。並和檢討百字令詞。和者三十餘  
人。載竹坵小志。

百字令

和朱檢討自題  
竹坵圖原韻

阮元

先生歸矣。記江南春雨。扁舟初泊。自種坵南千箇竹。老讓嬾雲閒託。繭線牽魚。弓枝射鴨。足伴填詞樂。

畫圖長在肯教蹤跡零落。今日水淺荷荒。巖低桂蠹。殘址難斟酌。何處牆邊樓影小。曾展秋牕風幙。儒老乾坤。書懸日月。莫漫悲亭壑。重摹橫卷。遠山還染三角。

王昶

南湖放櫂。正春殘兩岸。楊花漂泊。一卷生綃重畫取。彷彿前賢棲託。茆屋灣環。蓮漪澹沲。負此幽居樂。潞河羈旅。潮生還看潮落。料是投老歸來。書亭醞舫。昔雨同絃酌。記向竹西頻話舊。悽絕苔荒井幙。耆碩凋零。雲衲衰謝。重見開邱壑。丁丑戊寅間余與稼翁同寓邗溝。又與伯承同官陝右。語及南北。皆之。是可他時過訪。叢筍應滿籬角。

吳錫麒

二分竹外。記江湖載酒。歸來曾泊。老盡篔簹人不見。往蹟畫圖重託。菱葉波長。藕絲鄉闊。讓與閒鷗樂。寥寥琴趣。翠聲天半吹落。誰復黃雀風中。鬪雞缸滿。相對斜陽酌。秋水藉袈橋口路。遮護幾層雲幙。危石能扶。虛亭更葺。高致傳巖壑。明年筍候。一尖還迸紅角。

錢楷

五湖三畝。歎斯人仙去。落荒蓬泊。一片研經心事在。研經室學使齋名賸向畫圖尋託。流水門前。綠楊牆外。買斷垞中樂竹。猶無恙。幾番青復吹落。擬向梅里停橈。小樓添處。整頓還商酌。學使有重修暴書亭意且覓丹青傳粉本。依樣圖書簾幙。舊句重翻。新詞競唱。別又成邱壑。攜歸日下。填詞聲價爭角。

張若采

長蘆秋老。有乘槎仙使。荒灣初泊。根觸研經心一片。多少古懷難託。看竹敲筇。披圖岸幘。更印林泉樂。繫綃撫取。翠雲千片飛落。還憶歷下移碑。鄭鄉表墓。到處羞清酌。試展畫圖仙館似。學使有瑗嬾仙館圖清影。斜飛簾幙。亭廢重修。書殘更暴。對畫成林壑。圍牆栽竹。游人遙識亭角。

朱文藻

柳邊竹外。後百年星使。畫船重泊。亭北垞南遺址在。韻事丹青堪託。萬卷藏書。雙周甲子。藝苑談資樂。傳圖作于康熙甲寅今圖作于嘉慶丙辰相距百二十三年矣煙雲新染。免教名蹟流落。憶昔景仰宗風。手編年譜。系述勞斟酌。文藻曾編竹垞年譜一卷繡水橫塘曾盪槳。何處春風柔幙。襜褕懣懣。詩窮鬢鬢。髮改歲序蛇奔壑。江鄉歸老。敞廬同此牆角。

修暴書亭落成重題一闋

阮元

南垞荒矣。問書船潞水。何人停泊。經卷詩篇零落後。魂夢向誰棲託。把酒能招。披圖相慰。畢竟歸來樂。結成亭子。我今重爲君落。才見五馬行春。雙鳧漾水。攜畫同斟酌。尙有孫枝桐葉在。護爾秋風簾幙。疊石栽花。引牆圍竹。依舊分林壑。番題柱。夕陽休礪牛角。

余以養蠶詞試杭州詩士。得絕句四十餘首。錢塘江鑑云。美人莫惱秋羅薄。一箔紅蠶兩鬢絲。仁和諸嘉樂云。蠶孃若肯拚荒歲。金屋新妝頓減來。著意相反。便覺新警。他若陳甫之記得前溪寫簾箔。鳩聲梯影。

畫江南。沈毓蓀之流水。藻洄桑不斷。東風吹出剪刀聲。徐弑之誰家少婦看花去。猶恨羅裙繡未成。陳復亨之葉價怕昂。絲怕賤。蠶嫌心事費評量。皆能自出機杆。嘉興以鴛鴦湖詠鴛鴦命題。亦得絕句數十首。張霖云。阿儂生小湖邊住。見慣雙飛雙宿時。丁子復反之云。阿儂生小湖邊住。不見鴛鴦相對飛。但見鴛鴦湖畔水。雙流相合不相違。曹言純詩云。湖邊盡種連枝樹。好讓鴛鴦到處棲。沈大成反之云。知他水鳥成雙宿。開得芙蓉自並頭。楊蟠云。曾記數來三十六。果然十八對成行。吳曾貫云。度却金鍼還倦繡。有人斜倚畫闌看。亦佳。

偶閱韓江雅集。有陳授衣章養蠶句云。蠶嫌養蠶如養兒。用意甚佳。金匱錢梅谿有養蠶贈內絕句云。支持兒女眠初穩。十萬生靈正待餐。又云。經綸吐盡爲人用。留取輕身一對飛。皆吐屬不凡。余答梅谿詩云。蠶利蠶工賴長官。蠶多葉少養蠶難。梅谿更有驚人句。十萬生靈正待餐。梅谿工於八法。尤精隸古。與山左桂未谷。齊名。欲以八分寫十三經。復鴻都舊觀。

余試嘉興。旣限鴛鴦湖詠。鴛鴦復限射雕七律。戲謂幕中友人曰。旣歌石帚暗香疎影。不可不唱東坡大江東去也。嘉興吳書城詩云。日落邊城耀錦袍。將軍射獵試烏號。雕盤峭嶺千尋出。帛裂秋雲一箭高。記取平蕪灑股血。定知清塞失霜毛。歸來解帶應酣飲。猶有腥風出繡鼓。可謂興酣落筆。丁子復有句云。自有將軍能絕塞。共看都尉獨過橋。用北齊斛律光事對李廣事。亦典雅可誦。

嘉興試銀河篇。佳者頗多。惟丁子復烏雲一抹起銀浦。灑作承平洗兵雨。二句最洽。余意余亦有擬古銀

河篇。蔣山謂頗似唐人。

銀河篇

阮元

七月銀河秋露涼。八月銀河絡角長。九月銀河終夜轉。曉天殘月已飛霜。儂家生小長安住。漢家轉戰輪臺戍。儂在黃姑渡口行。郎向銀河最西處。銀河夜夜入高樓。樓上風清易覺秋。更有高樓在城北。樓中想亦有人愁。鳳城砧杵停中夜。珊瑚疑聽河聲瀉。河聲若肯向東流。乘槎會見征人下。可惜華年若逝波。年年清露入秋多。宮中百丈銅仙老。爲問紅顏更若何。紅顏半在鴛鴦殿。多少秋風落紈扇。不見昭陽日影紅。惟有銀河鎮相見。安能三五月常盈。掩住銀河不得明。又恐流光千萬戶。愁人別有一般情。

丁子復

秋河伴月案戶牖。蒼龍掉尾連箕斗。白雲飛盡夜未曉。金波無聲瀉空杳。仙槎徑渡水清淺。癡牛服箱車輪轉。白練橫斜冷不收。宵寒織室機聲秋。靈離飛來濡兩翼。鈎星耿耿秋繩直。機槍埽落摧寒芒。西流向曙迴清光。烏雲一抹起銀浦。灑作承平洗兵雨。

金衍宗

秋羅雲薄涼蟾入。金井梧桐珠露溼。銀河案戶聲西流。夜深烏鵲南飛急。練痕遙挂暮天長。新月如鈎欲讓光。十二樓中簾盡捲。不知隔斷是紅牆。盈盈一水橫銀浦。城上烏啼聞戍鼓。刀鏗望斷玉關秋。砧

杵敲殘雲渡古。此時別殿晚風天。執扇西風又一年。秋屏銀燭涼初透。玉枕薰籠悄未眠。況復高樓愁水夜。天街一片金波瀉。羅帶風飄下玉階。流蘇月冷臨芳榭。別殿高樓共幾時。仙槎何事獨歸遲。人間悵望銀灣畔。碧海青天那得知。

金光烈

井梧葉落秋風起。碧天夜靜涼如水。箕南斗北火西流。耿耿銀河千萬里。仰視流光照女牛。羽車雲輦幾經秋。素影遙連鵲觀。清輝先入鳳凰樓。鳳樓鵲觀夜還曙。一水盈盈不可渡。縹緲如聞玉宇笙。高寒下滴金盤露。誰家機杼動離情。天漢無聲似有聲。蟋蟀階前霜乍冷。芙蓉塘外月還明。關山萬里同今夕。悵悵河梁終歲隔。天上虛傳織錦梭。人間那得支機石。奉使尋源憶漢家。客星遠訪徧天涯。若從井絡西邊去。試泛張巵八月槎。

桐鄉金以報有詩才。幼孤賴其長嫂節婦王氏教育成之。余書其貞壽圖後云。昔宋興宗幼立風概。謹事寡嫂。南齊韓靈敏事節嫂如母。並重于史官。以報其益敦品力學以副之。

余在吳興。試蘋花詩。佳句如歸安孫五封云。五字風流在江南。日暮春武康。徐熊飛云。小朵最宜涼雨後。清芬無奈晚風時。孝豐施應心云。幾點輕鷗閒似爾。一秋涼水淡於前。歸安芮寅云。細雨清香通欸乃。晚煙深影聚蜻蜒。烏程馮潮云。八月疎香依水木。一年好景記汀洲。安吉郎遂鋒云。八月涼波何澹沱。六朝清韻重徘徊。江南花事日應晚。湘水故人應未來。



余於丙辰秋。按試吳興。中秋日試詩士。以詠東坡丙辰中秋。作水調歌頭事命題。烏程張秋水鑑詩云。離合悲歡十二時。一番圓缺一番思。前身本是來天上。除却君王總不知。可謂得詩人敦厚之旨矣。張鑑菱花詩云。漁婦曉來皆對鏡。隣舟歸去便成歌。用典雅切。德清許積卿。宗彥續學甚深。於天文尤能會中西之通。徐養原。乃西灑編修天柱之子。天算之功頗精。自言學之二十年矣。

歸安楊鳳苞。予初見其西湖秋柳詩。以爲才士也。繼至吳興。鳳苞以經解入試。于先儒之說。剖析原委。甚爲精核。尤深于音韻之學。謝蘊山方伯聘之入幕。以侍老母疾。辭不就。

孝豐施小慙。應心。年未及冠。詩學漢魏六朝。以近體作鏡歌橫吹諸題。舊錦新裁。甚爲奪目。

### 施小慙今樂府

#### 上之回

萬乘向回中。蕭關野燒紅。樓臺望行月。笳鼓警邊風。西極來天馬。前軍拂彗虹。甘泉故宮在。落葉滿秋空。

#### 將進酒

終日勸君醉。良工未可觀。江河杯酌盡。天地酒人寬。對月金尊滿。圍風繡幕寒。放歌心所作。得意且爲歡。

石留

流黃搗錦石。石上水曾經。南浦春波綠。西洲蓮子青。寒沙明遠渚。涼雨散繁星。載酒何人過。蘭橈不暫停。

隴頭

隴頭流水去天涯。隴上征人苦憶家。寒雁自憐蘇屬國。驕驄不戀李輕車。秦川萬里開冰彩。嶺樹千年著雪花。嗚咽數聲驚別夢。朔風何處動清笳。

洛陽道

長秋寒夜幾聞鐘。大道春光是處濃。遙憶層城見楊柳。相看雙闕似芙蓉。龍銜寶帳三千所。鳳卸珠簾十二重。蕩子更工蘇合彈。五花驄馬好游從。

紫駟馬

黃雲海樹隱邊笳。滿路烽煙滿積沙。老去秋風移苜蓿。羞看夜月映桃花。獨棲聊謝紅梁燕。共飲難將白鼻騮。錦作連錢珠作絡。馳歸應是日初斜。

孝豐吳蘅臯。歷奎余兩試其文。均置高等。不知其能詩。試畢。自呈其讀書樓初稿。苦吟綺思。絕似長吉。樂府歌行尤佳。始知錦囊佳句。不受風簷迫促也。設非吳生自呈其稿。則吾失此人矣。然則吾所未見之才亦多矣。爲之憮然。

吳蘅臯讀書樓詩

古豔曲

秋來明月照高樓。少婦當窗踏欲愁。聽馬長年驅遠道。芙蓉別浦隔空洲。重重芳樹浮雲合。穆穆金波亂水流。書札不堪頻目斷。天邊莫問大刀頭。

熟知絲布澀難逢。莫唱吳聲最懷儂。不分房空棲病鴿。誰憐骨出比飛龍。長橋鐵鹿三千里。大道朱樓十二重。浪語移湖安屋裏。繞牀那得種芙蓉。

十重樓閣九重牆。本是盧家舊畫堂。院院東風紅芍藥。池池春水紫鴛鴦。柔桑婀娜嬰蘭婦。憎馬瑯琊大道王。相望含情不相見。祇憑飛夢越河梁。

油壁青驄記舊遊。團團初日正當樓。齋房芝草皆連理。露井桃華總並頭。巫峽巫山真是夢。江南江北別經秋。文通才盡西洲曲。錯道君愁我亦愁。

思翁辛苦唱妃稀。日暮增城怨落暉。西北牽牛長獨處。東南孔雀任孤飛。秋風嫋嫋欺團扇。明月盈盈鑿薄帷。多事定情繁主簿。愁悲也道結中衣。

機聲啞札隔窗聞。每想雞鳴到夕曛。台匹不成三葛斷。流黃初染色絲棼。寒更銀燭紆紅淚。春晝梨花入夢雲。織得迴文無可寄。空箱伴疊石榴裙。

香印成灰玉化煙。開經壬子正今年。神山別有三珠樹。雲路休看七寶鞭。洛浦巫峰原是夢。清塵濁水

罷相憐。笙歌何處繁華會。乍著青裙尙惘然。

武康徐雪廬。熊飛幼客平湖。備受孤寒之苦。勵志于學。詩有才力。尤工駢體文。嘗有啓投余云。春風未至。先欣桃李之心。時雨將來。已動蘭若之色。是能不失唐人風範者。

徐雪廬風鳴詩鈔

登支硎山曠然亭

遠山來自天目峰。元氣盤結蒼精龍。龍行一曲一城郭。地脈騰躍皆趨東。觀音山頭萬丈壁。上有磴道凌煙空。湖光山色抱三郡。氣勢收納亭之中。我昔倒拖青玉筇。登高手摩竹柏桐。繁霜既降山骨露。木葉掩映斜陽紅。浮雲出山風轉蓬。今日又到空王宮。吳郎石子存舊約。桃花落盡重相逢。連山草木吐萌甲。春雨一洗爭葱蘢。紛紅駭綠森滿眼。洪濤鼓蕩千芙蓉。飛流濯足興未窮。飄颻更倚巖前松。扶輿靈秀莽奔放。下方一片青濛濛。人生何事戀榮辱。白髮容易摧春容。掉頭竟泛五湖去。豁然天地翔孤鴻。

登穹窿山

我昔手攜赤藤杖。紅樹林中躡星上。丹霞滿山風裂破。天雞不斷空中響。二十年來孤往客。芒屨又踏山邊石。入林恍惚失來徑。四面崇巒插天碧。山頭雪瀑挂千仞。溪上桃花深一尺。花間磴道苔蘚斑。玉清洞府非人間。眼前突兀耀金碧。靈真出沒松風寒。森然動魄翠微裏。七十二峰生足底。鬼神驅使洞

門雲遮斷微茫太湖水。上山下山一片白。呼吸雲華生羽翼。古臺巉巖臨不測。我忽登之亦奇絕。空山萬古春茫茫。放眼一氣同青蒼。征帆過雨去不息。遠山多處吾家鄉。田園半荒歸未得。夢寐長在天一方。赤松仙人倘可遇。此身願學張子房。

### 焦山尋瘞鶴銘

仙人御風行。控鶴如控馬。何年委靈骨。遺跡荒山下。長江涵春容。月共寒潮瀉。幽竹碧濛濛。廊陰雨飄瓦。殘碑叢古苔。林樾映清澗。瑤池失清唳。露白仙音寡。天末三層樓。吹笙懷隱者。

### 與京口諸子重登蒜山春波閣

蒼然淮楚到尊前。勝侶重逢啓別筵。高樹濤聲過白晝。大江帆影落青天。驚心風雨登臨日。回首英雄戰鬪年。十萬長刀殲寇地。那堪海道尙烽煙。

徐雪廬蓮花莊懷趙子昂詩云。花時鶴徑仍芳草。門外鷗波易夕陽。施小愁歸雲菴。懷孫太初詩云。菴前漁唱晚來起。月下鶴聲秋裏聞。俱饒神韻。

董思翁最喜趙吳興。畫華秋色圖。所撫不止一本。余藏其癸卯年所臨畫幅。帶水長林。浮煙遠岫。草牕松雪。風韻雙清。吳興山水以清遠移人。然濟南據岱麓之北。七十二泉。隨地湧出。匯爲明湖。水木明瑟。萬荷競發。流出城北。濼洄華不注前。每當秋霖初晴。橫雲斷麓。真如圖畫中矣。余兩年歷下。復至吳興。思翁此幅常懸行館。自題長句。且命多士題之。

吳興試院題董文敏摹趙松雪畫秋色圖

阮元

思翁本是江南客。老與吳興鬪風格。一卷分從舊墨林。自染青山上生帛。歷下青山有畫華。山前元是草窗家。吳興清遠家何處。碧浪秋蘋自作花。道人同住鷗波裏。爲畫齊州好山水。秋色山光尺幅中。西風鄉思千餘里。我曾兩載按齊州。萬朵荷花百尺樓。七十二泉流不盡。青煙兩點畫華秋。畫華山色真奇絕。畫意詩情不能說。螺黛濃開邢尹眉。劍鋒碧前昆吾鐵。白雲如帶樹千株。雲外單椒翠影孤。若愁難到雙峯下。試看華亭此幅圖。華亭妙筆朝朝見。壁上雙峯壓吳練。我今攜畫到吳興。空見秋山大如弁。弁山南畔小詞場。秋士題詩千百行。好山到處看不足。又上何山山名望弁陽。

蔣徵蔚

明湖秋水明如練。我在江南不能見。畫華山色鬱蒼寒。我向吳興畫裏看。此圖本是鷗波筆。點染生綃誇第一。癸辛街破草牕寒。流傳更到香光室。香光妙筆擬鷗波。平遠青山擁髻螺。無端描出單椒影。想見豪端秋氣多。雙峯秀澤橫雲表。暮靄朝嵐青未了。練帶頻將跗注躔。天容畫出眉痕小。有時著意作深秋。樹杪千尋紫翠浮。雨點空蒼留不得。風煙早已徧齊州。三間屋近依山住。本是齊州棲隱處。可憐泗水老潛夫。苦憶當年山下路。作圖聊復慰思鄉。一段風流未可量。只今讀畫多生趣。想見丹青各擅場。竭來我訪鷗波屋。茵苔霜清殘竹木。畫華深惜不親游。欲乞弁陽成小築。

徐熊飛

秋山卓立秋波清。古香觸手煙霞生。單椒秀澤忽在眼。林巒婉孌明秋晴。香光主人足天趣。簪紱不淡山林情。幽花開老畫禪室。染筆欲與鷗波并。螺峯兩角落嫌素。絮雲一抹橫輕清。點綴生青塗活碧。嵐光澄淡波無聲。昔聞公謹溯茗雪。弁山深處開柴荆。王孫特爲寫鄉思。誰華青峭當軒楹。雲煙過眼入構李。幾時尺幅歸華亭。華亭所摹非一本。今觀此本尤爲精。華不注山岱麓北。明湖倒浸青蓮莖。霜風淒緊木葉脫。秋氣白若銀河傾。吳興山水但清遠。安能瘦削由天成。想當林臥契巖谷。粉黠墨黠勞經營。古來妙手兩文敏。每借山水通仙靈。試來展讀白蘋館。齊煙千里飛空青。

烏程陳無軒學博。博勤學修節。能詩工書。鄉黨以孝廉方正薦之。以有官之人未能合例。中止。

道場山歸雲庵。有孫太初墨蹟手卷。并明人字畫極多。陳無軒彙裝爲三卷。余在湖州。以官帖向山僧取觀。留帖爲券。閱畢。仍以卷易帖。以防胥吏竊匿。且爲後來長官取卷之例。

題孫太初墨蹟卷後

阮元

山人化作秋雲飛。吳山松冷雲初歸。草菴白塔不能至。惟見白雲明夕暉。去年道場山上去。杖策直叩枯禪扉。聽詩頗有古錦版。侑茶不用黃金徽。今秋移文入山去。直取朵雲來棘圍。滿堂賓客共翦燭。把卷羣歎所見稀。山人詩翰清似鶴。華陽真逸猶嫌肥。後來過客五百載。縑楮半爲山人揮。蒼煙過眼月露溼。疑有雲氣沾人衣。此卷不可染塵俗。送爾以詩歸翠微。

以元人十臺懷古詩及序試湖州詩各有佳什。序文尤多沈博絕麗之作。武康徐熊飛云。瀟湘過雨。雲夢

生煙。章華之鸞。珮璆然。朝陽之蛾眉。宛若。彭城水落。項王有戲馬之鄉。督亢霜高。燕昭築求賢之館。亭長歸來。已爲天子。泉鳩諡後。空怨僉人。歌風則雲氣連天。望思之苔華滿地。雲擁愁來。波流恨去。山圍故國。鶯啼三楚之花。火入荒陵。鴛化六朝之瓦。烏程張鑑云。浮雲南北。憐舊曲於銅鞮。溝水東西。惜商歌於玉樹。臯盤細馬。徒呼劉表之鷹。夜冷蛭膏。不下武王之鴨。金仙已去。聽漳水而無聲。玉馬徒留。寫昭陵之遺影。臺邊鴛瓦。虛覆寶衣。帳上銅溝。愁窺鵲鏡。烏程周聯奎云。鹿游茂苑。三層少碧玉之階。蓮落梧桐。滿地有紅心之草。笑當塗之鑄雀。二喬已嫁英雄。誦賦筆之凌雲。七子獨推貴介。歎凌暑避。如迎北牖之風。鳳去臺空。漫鎖南朝之月。銅仙已別。淚灑秋香。鐵馬頻來。露飄夜月。歸安姚樟云。重踏乾谿之雪。來攀鶴市之花。花谿茂苑。懷春之蘿。苧猶香。翠被玉鞭。問鼎之英雄。安在。殘山澹水。偏歌金縷聲。衰柳斜陽。吹落碧雲片片。冀北山川。遙通朔氣。九州人物。盡自東來。鄴下之霸圖。已歇。漳水東流。金陵之王氣。全收。雲山北向。香分履賣。憶春朝寒食之期。燕冷烏棲。正白下西風之候。歌殘金鳳。路指銅臺。聲怨紅鷗。洲寒白鷺。桂宮星暗。依稀愛子之來歸。玉碾塵生。彷彿麗人之入夢。三千年。二萬里。歌臺舞榭。盡平沙落日之中。前三國。後六朝。蘭殿珠宮。生春草秋風之感。

姑蘇臺

徐養原

風冷梧宮怨若何。越來兵燹等閒過。捧心士女愁麋鹿。嘗膽英雄枕甲戈。香徑平煙迷夕照。寒村澗石冷秋蘿。生憎枹鼓親援日。消得高臺幾度歌。



章華臺

周聯奎

度材截臬氣憑陵。誰信三休到未能。驕志曾隨長鬣相。雄風偏愛細腰登。投龜肆詬真同戲。當壁爭端曷可憑。卻笑乾谿終走死。渚宮荒冢野花凝。

黃金臺

溫純

歎息昭王尙有臺。英雄於此劇憐才。春歸黍谷思鄒衍。秋掃苔基問郭隗。濟上論功昌國最。薊門長望霸圖開。誰言天下無奇士。不爲黃金不肯來。

朝陽臺

胡澍蒼

巫山雲雨本荒唐。一夢千秋枉斷腸。譎諫何曾原宋玉。微辭從此感襄王。須知神女心無玷。其奈文人筆太狂。暮暮朝朝空想像。楚天極目但青蒼。

歌風臺

姚樟

大風雲起古臺平。莽莽河流泗水聲。帝業已歸三尺劍。長陵不與一杯羹。祖龍歲月先奔逝。逐鹿山河幾戰爭。知道他時王諸呂。九原猛士泣韓彭。

戲馬臺

邵保初

虞歌雖逝總消沈。百尺高臺自古今。竟有浮雲齊沛水。苦無王氣壓淮陰。彭城九日空秋草。垓下千年有壯心。輸與尙書臺上客。百僚祖餞發高吟。

望思臺

唐晉錫

嫡孽稱戈且莫論。繡衣持節最驚魂。求仙下策成巫蠱。開塞荒兵到子孫。突出銅人原可怪。遽頒金玦豈無冤。傷心不待壺關請。未上高臺已淚痕。

銅爵臺

鈕芳春

清漳流水繞荒墳。猶見三臺倚夕曛。文獻鄴中傳七子。英雄天下竟三分。名香綺履埋荒草。古瓦殘觚落暮雲。太息當塗貽祚短。墓門誰表漢將軍。

鳳凰臺

孫姚桂

振衣直上鳳皇臺。鳳去千年竟不迴。三國遺風空寂寞。六朝舊事重徘徊。依依飛鳥望中沒。葉葉征帆天際來。莫負崔家黃鶴句。較量終遜謫仙才。

凌歊臺

施應心

宋主凌歊遠擅名。當年于此會羣英。揮戈遂使羣姦戢。伐荻從知霸業成。百里湘潭搖翠堞。三千歌舞住雕甍。可憐丁卯橋邊客。雪水雲煙動古情。

歸安嚴元照沈潛經史小學。淡於時名。余於錄遺識之。所著娛親小言。頗精覈。

吳興風土宜蠶桑田之多。與稻相半。丁巳八月下旬。按部至此。西風落葉。騷騷然有深秋意矣。因成四律。以邀和者。且以課郡中詩士。時江浙和者數十家。惟錢唐陳雲伯。獨有扶桑倚東海。一枝仙槎四時紅。二

句。意境闊大。得未曾有。

秋桑

阮元

扁舟衣袖乍驚寒。下若桑林綠意殘。初響天風知半落。未逢夜雪已先乾。樓前有日蒼涼出。陌上無箏錯雜彈。若使秋胡今始到。黃金一色樹頭看。

西河古社重徘徊。木葉應知庾子才。洪水秋期貧婦怨。晉廷九月餓人來。采菱織手空成妒。舞柘輕腰不共迴。偏是吳儂感蕉萃。十年牆下記親栽。

疎陰十畝間青黃。誰向花前喚索郎。釀秫時光宜薄醉。調絃情緒動清商。但教天下輕繇暖。何惜林間墜葉涼。試種東坡三百尺。芟來終比暮春長。

漁陽八月已空枝。還是吳興霜露遲。飛鳥雨晴猶護羽。野鷺風定向懸絲。遠揚試伐深秋後。光景能收落照時。料有茗溪老桑苧。垂虹秋色滿新詩。

伊湯安

秋老桑畦落葉填。野人籬落興悠然。雞鳴隔巷增涼意。鴉亂疎林淡夕煙。陌上風高懷靜女。隆中樹古想名賢。祝他比戶皆輕暖。繪入函詩第幾篇。

花間戴勝記新陰。啼鴉聲中思不禁。剩有風枝掃茅屋。尙留霜葉襯楓林。明年春繭須如甕。薄暮秋胡莫贈金。好待樹頭紅葢熟。勸農時節重相尋。

秋桑用王阮亭秋柳詩韻

蔣徵蔚

阿儻何處黯秋魂。放棹重來過石門。五畝小牆凋沃影。一林寒露認柔痕。當時筐執吳孃手。此日杯傾  
箬下村。擬種原蠶知未得。金鈎輕翦更休論。

猶猶本是不經霜。枯盡天風到野塘。看處莫教連柘館。折來猶記覆蠶箱。塵乾東海愁仙客。寒重西虞  
記穆王。更乞成都栽八百。醜條從此老閒坊。  
愁絕秋人正授衣。紅閨禁忌事全非。綠梯踏罷路猶在。黃日照將枝漸稀。少女年華憐欲老。寒禽牖戶  
不禁飛。幸他未化機絲去。憔悴深知節序違。  
如羨滿箔劇堪憐。疎榦而今只聚煙。無奈林中難戀宿。有人樓上欲裝綿。交交黃鳥空三月。采采青裙  
又一年。爲語羅敷休悵望。來春證取綠雲邊。

江振鷗

收盡原蠶樹半空。疎枝搖曳暮秋中。休將怨綠題餘夢。卻爲知寒耐晚風。篷戶樞機吟索莫。玉人爪甲  
贖玲瓏。輸他綺繡先春去。賺得丹黃對錦楓。

零葉猶堪飽夜霜。西風又送馬頭孃。略留閒畝春陰在。空使歌臺舞袖長。牙尺才分人冷暖。筠筐休說  
價低昂。羅敷本是貧家女。誰壓江南黃竹箱。

蕭條白日上牆陰。墜葉陳根春事沈。半載雨晴誰料理。一園霜露最侵尋。唐梯仄徑無人到。柘館寒川

落影深。祇有野蠶僵不得。又成寒蝶入荒林。  
一樹平圍碧浪湖。客懷銷落一株株。使君五馬來何晚。寒士單衣望未孤。漫使銀尊翻鑿落。先看筠管響蒲盧。閒吟且勿傷遲暮。老繭抽絲紡得無。

陸繼輅

獨客禁寒待寄衣。吳興秋色太離披。一林風冷初傾釀。幾葉春殘未化絲。秦女攜筐歸緩緩。陳王讀曲記枝枝。我來偏動流年感。小字空傳未嫁時。  
秋闈閒挂桂枝鈎。日出東南不下樓。敗葉有時棲蛻蝶。空林無復聽鳴鳩。織成虛訂黃姑約。落盡非關青女收。何必陌頭衰柳色。短牆一步動離憂。  
鬢影衣香似隔生。漁陽歌歇事頻更。乍拋春女悲秋淚。訝聽涼宵食葉聲。似爾飄零真不負。幾人刀尺未催成。爲他八百孤寒望。早發春芽慰別情。  
天風枯盡正愁予。且喜猶傳汜勝書。寒甚轉依斜照裏。感深尤在嫩涼初。相君老去思荒宅。處士秋來戀敝廬。衣被功成休更問。閒閒十畝未全墟。

端木國瑚

桑落西風郭外稠。枝頭誰復挂金鈎。雞豚影散村陰寂。秫稻風寒社事秋。無藉煙花連杜曲。任教菱葉采汀洲。征人未返羅敷老。五馬重來爲爾愁。

曾記桑陰綠過牆。半年閒煞馬頭娘。啼風葉剩并刀影。覆露枝空野繭香。春好也曾彈陌上。夜寒猶自夢漁陽。最憐賣盡新絲後。卻共天寒翠袖涼。  
更補幽風畫裏看。分明村景見闌珊。柴門客話夕陽落。柘館人稀秋雨殘。月冷機聲縷露寂。烏空梯影踏煙寒。世間若有冰蠶種。綠老霜前尙未乾。  
萬家衣被一春償。自耐閒閒十畝涼。繭種蝶魂迷古陌。絲團蟲影挂斜陽。鶯花郡宅誰供圃。雞黍田家獨面場。晚乞使君桃李課。也將餘蔭問江鄉。

董槐

天風昨夜到枝頭。無復當時繞指柔。帝女緣空辭晚歲。秦娥夢杳隔深秋。黃綿人散村前社。紅葉聲多陌上樓。我亦清寒依十畝。絲絲不斷憶春愁。  
矮林疎秃乍經霜。動影餘暉戀女牆。旅語新尊話重九。邯鄲舊曲怨清商。幽禽心事營巢戶。處士秋情仰屋梁。留得雙蛾憐已老。前身依約認空桑。  
已教羅綺徧南州。獨忍荒涼奈爾愁。遠道夢殘驚促織。故園秋老賦鳴鳩。煙埋亂葉提籠徑。影斷斜梯削桂鈎。豈有紅顏來采采。惟開菱唱隔蘋洲。  
記得深閨蠶事忙。馬前濃綠見攜筐。重經上箬霜初白。錯認東坡樹本黃。千戶侯門殊冷煖。一時仙侶說滄桑。秋風病骨南陽思。舊日琴絲亦漸荒。

徐熊飛

雁信先催下若寒。叢條徧野雨初殘。田家客到酒方熟。樹杪雞鳴露未乾。柘屐任教乘興去。銀箏還記盡情彈。近來不厭多黃落。雜樹柴扉晝裏看。征途何處動低徊。木落漁陽想漢才。木末已無鴛妾隱。林間誰訪索郎來。白蘋帶露村村曉。黃蝶從風故故迴。滿耳蕭騷鳴碎葉。陽春曾向陌頭栽。蕭晨極目葉垂黃。林外郊居是沈郎。綺日光寒剛八繭。天風聲歇已三商。枌榆古道秋煙晚。槐柳荒村霽色涼。三宿匆匆感栽植。寸心還與水流長。斷垣高下映煙枝。無那江南雁信遲。落日叢條淒碧野。濃春桂籠繫青絲。西風古驛蟬嘶後。涼露東臯雉狎時。澹筆爲圖憶松雪。盡收黃落入幽詩。

張鑑

翻翻落葉下柔枝。舊部爭傳樂府詞。才見使君來遠道。不堪女伴阻前期。黃雲戍上西風緊。紅粉樓頭暮雨遲。嬾向曲腰問消息。湖池遙望已離披。蘆簾紙箔滿比鄰。三月深閨少婦情。玉勒再來成舊夢。金環重探認前身。垂垂寒螿迷空社。格格鳴鳩過別津。比似吳門仙蹟斷。滄田東海又揚塵。閒卻金籠更玉鈎。山蟬曉罷忽當秋。竹根夜冷傾紅友。城窟霜乾踏紫駟。虛憶美人空北部。幾時高士

話南州。祇應寡女絲猶在。彈作清商上陌頭。  
神仙丹萼本虛無。凋盡成都八百株。斜日螭螭懸老樹。晚寒鑿落倒新罇。于今拈葉悲秋士。向後攀條  
屬小姑。禿樹只應同白髮。誰栽黃竹到句吳。

陳鴻壽

下若驚迴浙瀝風。綠雲吹起碧湖中。攀條別意遲青女。療眼奇方覓宛童。桑落酒傾陶令宅。柘枝舞散  
楚王宮。野人不解愁搖落。祇喜斜陽到檻紅。  
彎彎涼月唱初三。折與兒童當篠驂。刀尺聲中人似舊。牛羊牧去路偏諳。寒雞向暖飛枝北。野叟尋秋  
過屋南。虛說星精能駐歲。不如託命是紅蠶。  
柴門仍借遠山遮。烏柏丹楓豔歲華。著作林疎望歸雁。文章樹老待棲鴉。寒濤碧海仙人地。野火殘煙  
帝女家。莫怪機絲虛夜月。一時散繭尙騰花。  
驚心女伴促裝綿。話到漁陽思悄然。秋陌春閨渾似夢。三榆五棗互生煙。年豐早賽雞豚社。風緊初開  
鷓鴣天。羅綺叢堆誰省識。憑渠衣被總年年。

陳文杰

寒林葉葉響天風。秋在疎煙細雨中。牆外空條仍嫋嫋。陌頭圓影尙童童。三更冷露迷梁苑。二月春風  
憶鄴宮。獨有樽桑倚東海。一枝仙榭四時紅。



指點疎林蔭綠潭。夕陽惆悵使君驂。書編淮海春非昔。圖展幽風景尙諳。憶我曾經歌陌上。有人對此話江南。莫教蟲食清陰滅。留飼吳儂八月蠶。

春郊曾憶綠雲遮。蕭瑟江鄉換歲華。五畝新涼飛野雉。四衢殘照隱歸鴉。箏彈秋月羅敷宅。琴譜西風漢相家。檢點寒袍感衣被。論功壓盡洛陽花。

家家妝閣熨吳縣。話到三春事惘然。繞宅清陰流曉露。連村疎樹瘦寒煙。西河舊夢紅蠶月。南陌新愁白雁天。寄語吳孃莫惆悵。鳩聲梯影待來年。

陳文湛

指點寒林傍野塘。西風蕭瑟冷啼螿。隔牆嫋嫋陰猶綠。繞屋疎疎葉漸黃。女伴春游懷陌上。美人秋夢到漁陽。丁寧織手休輕折。玉露宵來分外涼。一片疎黃隱遠畛。柔桑無復媚三春。連宵涼露鳴鳩斷。十畝清陰野雉馴。紅雨筠籃迷舊跡。綠雲刀剪憶前因。使君五馬躊躇過。目斷當時採葉人。

胡敬

微黃比似鞠衣痕。幾樹蕭疎蔭葦門。材美早需當世用。價高留待異時論。禦寒祇爲蒼生計。歷久空餘直幹存。多少綺羅叢裏客。可曾根本與酬恩。

西郊昨夜有霜侵。減卻茆檐一片陰。但使陽和調晚節。幾曾經緯負初心。春闈自昔相須急。寒士于今

得庇深。菊秀蘭芳休把玩。直垂青眼到疎林。

龔 臙

兩度攀條意最長。憐他東海舊栽桑。百年偏易逢秋夕。一樹曾經捧太陽。重遇使君紅叱撥。已拋天女綠衣裳。吳孃嫁後工相憶。憶到青青也斷腸。轉眼離披照影微。橫梯落翦事都非。盤中絲盡春蠶老。陌上車回涼葉飛。兒女生涯渾似夢。田園風景不如歸。城西柘館依稀認。冷雨寒風又打扉。

江 鏐

普利真成色相空。息心名義誤從同。天興寺裏蕭疎雨。願會堂前浙瀝風。僧錫未坊三宿戀。佛華虛借一枝紅。衲衣若復求絲縷。忍向春時憶折筇。

錢唐方芷齋夫人。芳佩汪芍陂中丞新之室也。幼工吟詠。曾問字於杭堇浦翁霽堂兩先生。著在璞堂詩集。於閨秀中卓然稱大家。亦有秋桑和章。時楚北用兵。中丞督師籌餉。戮力王事。夫人歸里省慕。故第二章結句云然。

秋桑和作

方芳佩

閑閑十畝淡煙遮。寒日疎林噪晚鴉。葉落漁陽愁篋策。枝空鄰院冷琵琶。陌頭重訪人如夢。茗水初波客憶家。祇有珠江風景好。依然紅徧佛桑花。

雜樹丹黃隱四衢。仙山寒重說西虞。樓頭雪箔人今昔。海上冰絲事有無。偶檢蠶書懷帝女。因吟樂府話羅敷。烽煙未靖征車老。閒卻成都八百株。

閒同女伴話前游。無復唐梯與桂鈎。蓋影尙留天子氣。箏聲如訴美人愁。涼波瑟瑟湖池曲。疎樹依依陌上樓。惆悵垂虹橋畔路。重來已是白蘋秋。

酒香時節晚陰寒。此際農家亦閉關。黃蝶飛來梯影寂。紅蠶夢斷剪刀閒。吟殘柘館西風裏。畫向柴門夕照間。閒說使君詩第一。大裘心事似香山。

鄞縣蔣孝廉學鏞乃全謝山高足弟子。老年閉戶於學無所不窺。甬上萬氏得藜洲之傳。史學冠天下。萬氏沒。謝山得其傳。謝山沒。學鏞得其傳。縣令郭文銜以孝廉方正徵之。辭曰。余老且病。安能遠至杭州。折節於諸大吏之門耶。卒不就。余益以是高之。兩至鄞。不得一見。

范氏天一閣自明至今數百年。海內藏書之家。惟此巋然獨存。余兩登此閣。閣不甚大。地頗卑溼。而書籍乾燥無蟲蝕。是可異也。閱其書目。龐雜無次序。因手訂體例。遴范氏子弟能文者六七人。分日登樓。編成書目。屬知鄞縣事張許給以筆札。閣中舊版書極多。因修錄其序跋及收藏家題識印記。以資考證焉。天一閣金石目錄。乃錢辛楣宮詹大昕修鄞縣志時所編。

鄞縣袁陶軒鈞工詩。能古文。專治鄭康成一家之學。余因擬岑南陽江上春歎詩識之。陶軒於甬東耆舊詩文事蹟尤多掌錄。故余錄兩浙詩於甬東最詳。

擬岑南陽江上春歎

袁鈞

寂寞嘉州客。春風又一年。江花空自發。江柳更誰憐。飄落雲波闊。枯榮歲序遷。閒愁誰共遣。芳草暗遙天。

定海李巽占有孝行。嘗授徒於某姓。不食其晚餐。蓋家甚貧。歸侍其母。同食番薯。不忍在館獨御稻肉也。又嘗受富家課子之聘。既而知友人挾權力謀奪。乃固辭之。終就其館。穀之儉者。其他行類此。余曰。此真士也。以孝廉方正薦之。焦里堂有番薯吟一章。紀其事。

番薯行

焦循

母食米。兒食薯。母心不豫。母食薯。兒食米。兒能不泣涕。海水淘淘浪拍天。中有斯人行獨賢。使君與金謝不受。無名得此身之咎。使君曰。汝勿卻。姑買市中珍。歸爲賢母樂。李生叩首納金去。兩眼紛紛淚如雨。

慈谿鄭簡香。勳乃曉行大守梁之元孫。以曉行詩得名。朱竹垞檢討常贈以詩。簡香以墨蹟示余。余和之。有云。別擬建堂尊二老。竹垞經義曉行詩。簡香因建堂祀兩先生。余爲書二老堂額。秦小峴觀察爲文記之。簡香又畫二老重逢圖。取竹垞別久重逢轉傾倒詩意。

鄞縣童蓀君。槐刻意爲文。詩賦亦皆名雋。余試甬上。雜詩最愛其桃花風細魚苗賤。幅幅漁蓑入畫圖二句。饒有畫意。

余於山陰童試得吳傑越海風潮詩灑然異之及唱名乃十二齡童子也。因以登臥龍山望會稽禹陵詩面試之曰爾知此題難乎對曰難在兩地成一事耳其首句云臥龍不化梅梁飛余拔之並字之曰梅梁。

### 越海風潮

吳傑

秋波不合積飛雪。怪底鼉鼉眼前掣。一綫潮來天地青。奔騰獨駕東風烈。排山倒海雪花吐。海若前驅馮夷舞。聲搖赭嶺翻雲車。勢汨龜山震雷鼓。素車白馬空恨吞。錢唐折向蕭山奔。控弩將軍不敢發。掣鯨學士驚詩魂。桐廬江上銷風雨。輕帆平處痕如縷。飛濤雄壯能幾時。何事怒心亘千古。君不見銀河之水靜無波。洗盡兵甲滋嘉禾。

### 登臥龍山望會稽禹陵

臥龍不化梅梁飛。瓊瓏佳氣騰翠微。風雲萬里護名鎮。百神朝能迴靈旗。蒼松翠柏儼成列。玉書金簡精光結。宛委山頭雷雨開。窆碑亭下龍蛇掣。岫巘石氣涵餘青。玉帛千重會大廷。回首蓬萊舊城闕。鷓鴣啼破雲冥冥。越王宮殿銷歌舞。衰草荒煙自終古。瑯琊北徙爭中原。一朝金玉藏黃土。豈如不封不樹明德馨。馭下九龍臥風雨。

蕭山王進士宗炎越中第一學人也。其弟紹蘭文學並茂。爲朱石君師所賞。其學實出於宗炎。宗炎子端履頗傳家學。熟於經疏。有詩才。嘗作乞巧絕句。有云願得巧如荷上露。一回分散一回圓。又試金銅仙人辭。漢歌奇麗頗似長吉。

擬李長吉金銅仙人辭漢歌

王端履

漢家宮樹啼鴉急。瓦當苔繡鴛鴦溼。通天高闕日曠曠。銅人獨背西風立。西風吹老萬年枝。猶憶銅人初鑄時。望氣迎來汾水鼎。通燼拜罷竹宮祠。上陵霍霍磨刀吏。豈有神仙妖妄耳。吉雲寶甕起狼煙。銅人淚滴金盤水。許昌宮殿漳河船。授禪碑前露盜田。願爲黃鵠三千歲。移得金莖五百年。氈裏駝裝辭漢始。躍入河流牽不起。沒髻還揚砥柱波。題胸羞勒當塗字。河上行人說未央。摩挲故物總淒涼。他年銅雀風吹折。空有三臺對夕陽。

蕭山徐北溟。鯤深於小學。精審不苟。王少寇。視段大令。玉璽皆深重之。

蕭山傅學灝。老諸生也。頗能數典。文亦有法。

余在紹興作焚香夜坐詩。蓋別有所託也。次日。以此題試士。餘姚吳大本云。一簾花影不宜夢。半榻鬢絲閒似禪。顧廷綸云。絳帳卽今聞衆妙。幽齋誰與識清嚴。可謂各極機杼。

焚香夜坐

顧廷綸

宵分何事下疎簾。愛護濃薰故故添。絳帳卽今聞衆妙。幽齋誰與識清嚴。閒依榻枕看茶鼎。自撥爐灰數漏籤。萬籟無聲人悄悄。半窗明月映棋奩。

試擬陸劍南芳草曲。余最賞山陰謝照二句云。一道裙腰雙屐齒。和煙和雨踏青來。會稽車同軌作。亦多風調。同軌後改名雲龍。照又有題姚允在仙山樓閣圖七古一篇。極凌雲御風之致。

擬陸劍南芳草曲

謝照

天涯無處無芳草。芳草爭如故鄉好。春風幾日到湖頭。定知綠徧方千島。湖波蕩漾淨無塵。畫舫輕搖載酒人。柳姑祠外虹橋畔。幾疊青衫映繡茵。此際詩情近寒食。萬里懷歸歸未得。惟有蘇州古驛詩。礙馬有情舊相識。何時鑑水重徘徊。柳絮含煙桃葉開。一道羣腰雙屐齒。和煙和雨踏青來。

車同軌

鏡湖湖上草萋萋。三月黃鸝恰恰啼。兩岸春風梅墅外。一堤濃露畫橋西。清明時節千絲雨。嫩綠初翻鳴杜宇。胡蝶雙飛踏馬蹄。綠波碧色傷南浦。鬪草歸來日已斜。踏青南陌輶香車。裙腰一道湖南路。片片飛來有落花。放翁五十猶豪縱。錦城一覺繁華夢。鏡湖春色在誰家。舊游欲說無人共。快開書巢鏡水邊。滿湖芳草發年年。酒旗淺落春波影。詩卷遙收劍閣天。美人已去空傷碧。浣紗脂有溪頭石。東風抹地燕齊飛。湖上三山務觀宅。

題姚允在畫仙山樓閣圖

謝照

爛熳朱霞接天起。皓鶴垂翎啄秋水。方壺縹緲見樓臺。雲構瓊瓏碧空裏。露壇月館仙所都。丹砂爲牀玉作鋪。青鸞背滑控不得。夢游要倩仙風扶。十二層城耀金碧。斜曛半挂紗牕格。松花滿地石泉香。如聽敲碁簾影隔。瑤島春風吹不盡。此中合貫仙槎影。流霞飽嚼挹天漿。愛煞仙山樓閣靜。圖成簡叔妙煙靨。濯魄冰壺絹素寒。試向蓬萊尋舊侶。彩雲盤屈作闌干。

顧廷綸

瓊樓十二紅闌干。蓬萊水淺生微瀾。罨思屈曲界碁局。珠簾不捲凝曉寒。彈指雲煙麗金碧。軟風吹放星榆白。芙蓉城闕仙官居。廣寒宮殿嫦娥宅。月地雲階宛轉通。銅鑲魚鑰啓玲瓏。青鳥掌書鶴守戶。下界但見雲濛濛。虹橋影落黃姑渡。銀浦無聲瀉珠露。玉笙一曲隔花聽。天雞叫醒扶桑樹。偶從瀛海泛枯槎。知是仙山第幾家。松陰滿地無人到。但有雙鬢掃落花。

蕭山蔡應襄方干別墅云暮雨題詩客孤雲下第人絕似三拜風調

山陰何起瀛長於駢儷之文鑣院試擬顏延年三月三日曲水詩序及擬賀平苗表皆沈博絕麗於風簷寸昇得之尤爲能事

擬顏延年三月三日曲水詩序

何起瀛

臣聞周公成洛流觴之典肇興秦王制西捧劍之神斯出昔擊虞之對非令節攸關繫束哲所言乃良辰由昉風俗相傳其來舊矣我大宋高祖武皇帝誕受天命撫有函夏度邑靜鹿邱之歎遷鼎息大垆之慙宮鄰昭泰荒憬救寧東漸日域西被月黜南暨朱崖北訖天墟莫不樹頌蛾伏稽首來王我皇纘承丕緒潤色鴻業興禮制樂登三咸五偃革辭軒銷金罷刃尙廉舉孝惇周官之典養老引年循王制之舊協律總章之司序倫正俗崇文成均之職道德齊禮挈壺宣夜辨氣朔於靈臺書笏珥彤紀事言於仙室肺石無窮獨之民棘林少爭訟之衆百辟師濟庶績其凝流大宋之愷悌盪亡晉之毒螫是以



耆年興衢壤之謠。稚齒有含哺之樂。侮食來庭。左言入侍。髮首椎髻之邦。重舌貫胸之國。鞮譯而至。請受纓。糜文餓碧。砮之琛。奇幹善芳之貢。紈牛露犬之玩。乘黃茲白之馴。盈衍外府。充物郊虞。而況天瑞降。地符生。澤馬來。山車出。植華平於春圃。豐朱草於中唐。雲潤星暉。風揚月至。江海呈象。龜龍載文。淵乎鑠哉。功既成矣。可以順時應令。作樂崇德也歟。維莫之春。粵上斯已。桐華鼠化。萍生虹見。采蘭殷鄭國之士。求桑勤幽人之女。禊飲之日在茲。風舞之情咸暢。皇帝乃登玉輅。乘時龍。鳳蓋羣麗。和鸞雍容。七萃連鑣。九旂齊軌。魚甲煙聚。貝冑星羅。虎賁趨踰。翠華旖旎。臨幸乎樂遊之苑。葆佾陳階。金匏在席。召鳴鳥於弇州。追伶倫於嶰谷。發參差於王子。傳歌舞於帝江。正樂既闋。羽觴斯進。臨水祓除。與民同樂。上有如天之福。下獻南山之壽。有詔曰。今日嘉會。且餞二王。凡屬有位。咸可賦詩。並命小臣作序。爰拜手稽首以誌其事云。元嘉十一年三月三日。太子中庶子臣顏延年奉詔謹撰。

會稽陶綬年四十與童子賦苦吟越舟六詠屬稿畢而真本未完日暮投卷出矣余以此六詩爲擅場招之再試則已廢然歸村居越日始至稿項黃馘不類其詩之韶秀也。

### 越舟六詠

陶綬

買道山陰入會稽。畫圖行處櫓聲齊。劃鷺錦鬣翻萍出。撥訝晴虹飲練低。兩岸柔風來翡翠。半溪花影漫玻璃。笑他欸乃清湘曲。日暮煙沈泊大堤。畫

教翳編成當短篷。濃雲淡墨潑來工。螺痕浸處微分碧。漁火明時忽露紅。客去岸邊鴉點點。人來港口

雨濛濛。最憐烏桕村前路。泊盡斜陽。又曉風。鳥

竹竿籬籬纂頭施。施釘於竿首謂之纂頭越音讀若纂小泊當隄。仗汝持。弄影不隨。思水逝。安眠方羨此君宜。一篙魚浪

難勝處。三月春流正穩時。莫訝南人船似馬。臨波垂策。奠狂颺。竹

波急灘懸路正遙。海樓綯索曳條條。曉霜貼岸。幾人影。春水一肩何處潮。宛轉客心縈錦纜。滯淫鄉流

繫蘭橈。自經戰雨搖風後。蓑影鞵聲共汝描。樓

春波淼淼影徐徐。尺布縫將錦不如。山好忽驚遮欲斷。雲低偏信挂還虛。潮平隔岸輕懸候。風急危檣

半落初。安穩行人定無恙。來朝應報過江書。布帆

遮莫舟簾爲雨裁。晴湖春泛一牕開。波光倒碧涵詩籬。山色飛青落酒盃。過眼忽驚驚雲似馬。倚人宜聽

笛番梅。莫嫌所見非空闊。漏得斜陽八牖來。篷

越舟六詠佳句甚多。畫槽則山陰沈王臣之最宜。三月浪不礙半江秋。諸暨周桐之紋開新綠水。聲隔小

紅橋。新昌陳承然之花氣一奩搖曉鏡。練痕雙綬落春波。烏翳則有沈王臣之浴爭鴉背淨。糝受柳花輕。

竹筵則有會稽胡佳之常教客夢通宵穩。量取山光隔岸齊。樓纜則沈王臣之拖殘晨岸月。界破晚湖煙。

布帆則有蕭山陳應坡之不知春雨重。但見遠山移。周桐之三分花月夜。一幅水雲秋。蓬牕則有沈王臣

之暗移春岸過。虛受夕陽來。

蕭山教諭俞超。海寧人。擬作樓纜詩云。每值橫風日。猶思戰雨時。諸人皆遜此渾脫。

臨海洪頤煊、震煊兄弟，篤學士也。余嘗謂台郡能讀書者，惟此二人。台郡自齊次風侍郎之後，能學者甚寡。頤煊、震煊，文采詞翰，或未足，而精研經訓，熟習天算，貫串子史，實有過於侍郎之處。台人聞之以爲詫。淮南子云：以筭測江，筭終而以水爲測，惑矣。

余於天文算法中求士，如臨海洪頤煊、震煊，歸安丁傳經，授經錢唐范景福，海鹽陳春華等，皆有造詣。然以臨海周治平爲最深。治平拙於時藝，久屈於童子試。余至台州，治平握算就試，特拔入學。治平精於西人算術，通授時憲諸法，明於儀器。余有詩云：中法原居西法先，何人能測九重天。誰知處士巾山下，獨閉空齋畫大圓。

處州山川險阻，人物樸陋，掄才者至此，鮮不廢然矣。余試青田畫虎賦，得端木子彜，國瑚才調斬新，得六朝真意。歸語秦小峴觀察曰：此青田鶴也。檄之來杭州，讀書敷文書院。貧不能自給，以鶴訴篇陳觀察。余乃命之居西園，使得壹志於學。學日益進，天台雁蕩諸詩尤極奇麗。武進陸邵聞，適耀于時，賢罕所折服，獨於子彜心折焉。余有句云：誰是齊梁作賦才，定香亭上碧蓮開。括州酒監秦淮海，招得青田白鶴來。

### 鶴訴篇

端木國瑚

仙人下太清，種芝香滿閣。鸞鳳已成羣，遠招青田鶴。翩然鶴西來，羽毛何蕭索。處之玉池頭，雲水隨所託。萍花晚不生，菱葉秋更落。蒼苔入夢寒，白雪憐影薄。奇氣鬱青霞，瘦立驚非昨。翹頂問仙人，敢訂餐霞約。丹還玉帳深，慨想爐中藥。

秦小峴觀察試敷文書院木棉花詩。國瑚有句云。詩人菴老吟何苦。游子衣寒綻可憐。最爲雅切。試紹興以雲漢賦命題。小厭心之作。因命鄞縣童萼君槐。青田端木子彝。國瑚撰之。並極壯麗。槐有云。何日倒傾滄海。匯爲天上文瀾。有時瀉落青霄。流作人間壁水。國瑚有云。秋泛一槎。歌聞仙家耕織如常。春涵雙劍。沈沈知武庫兵戈不玩。

金華土田沃衍。民俗淳樸。士雖未文。然亦不陋。讀書負耒。尙有四先生遺風。其士之佳者。則有東陽盧炳濤。永康潘國詔。東陽徐大酉。浦江張汝房。盧炳濤擬題崔白健翮慶風圖詩云。高秋試向雪壁懸。直似秦兵能苦戰。張汝房云。平蕪搏擊灑毛血。直以六翮爲六軍。潘國詔云。畫風得勢先畫木。萬竅刁調皆怒號。收縮遠勢歸咫尺。匹練有似蒼天高。徐大酉自公堂後雙古柏詩云。參天倚地榦如鐵。嶮然孝子忠臣節。雪花已試歲寒心。獨飽風霜看橫絕。

金華試院宋自公堂後雙古柏

阮元

自公堂後雙古柏。六百餘年老宋客。蟠根想已透重泉。生氣勃然出堂脊。一株膠轄紋節轉。一株皮厚腹中壠。等閒鶯燕不敢來。絕頂花雕刷寒翻。瓦溝殘日落青子。蒼鼠奮髯噉其液。此堂支柱多古礎。乾道七年魏王宅。湯陰惡檜列不盡。鞏洛松楸種何益。此柏幸栽節度家。頗有清香凝畫戟。徒恨苦身長百尺。未與冬青樹爭碧。堂陰誰可話疇昔。六碑首問熙寧石。堂後有石碑六。皆兩宋物。

開化山邑荒陋。然地接婺源。頗有實學之士。戴金溪太史敦元。少負神童之目。此後有張立本者。叩以說

苑列女傳、白虎通、釋名諸書，皆貫穿而發明之。年未及冠，所至似未可限量。黃巖施彬，經史皆能背誦。余嘗試以列代臨雍考，於二十一史中舉行典禮，徵引極爲詳贍。浙東西兄弟皆才者，二洪之外，則有丁小雅、杰之二子，授經傳經，博學多聞，有父風。邵二雲，學士之二子，秉衡、秉華，並傳家法，兼通經史。歸安邵保初及弟保和，少年能文，並通經術。烏程周中孚，博聞強記，而文筆甚拙。其弟聯奎，能詩文，而疏於經術，然亦可謂二難矣。

平湖朱椒堂，爲弱通經學，兼長詞翰。成童喪父，其祖含叔以兄事牽累，羈成都獄待質，三十餘年始歸。旋卒。椒堂事祖母高母吳，克盡孝養，撫諸弟，讀書皆成立。方蘭士爲寫慈竹居圖，余題之云：卅載玉關淚，飲冰寒自知。艱難貞苦節，突兀見孫枝。不盡報劄意，猶憐說項遲。春陰覆慈竹，爲詠少陵詩。

